

第一一七册目次

守護國界主陀羅尼經十卷(二)	唐般若等譯	一
大乘理趣六波羅蜜多經十卷	唐般若譯	七八
佛說大悲空智金剛大教王儀軌五卷	宋法護譯	二〇二
佛說巨力長者所問大乘經三卷	宋智吉祥等譯	二三四
普遍光明焰鬘清淨熾盛如意寶印心無能勝大明王大隨求陀羅尼經二卷	唐不空譯	二五二
大威怒烏芻澀麼儀軌經一卷	唐不空譯	二七九
佛爲優填王說王法政論經一卷	唐不空譯	二九〇
佛說五大施經一卷	宋施護譯	二九五
大日經略攝念誦隨行法一卷	唐不空譯	二九六
佛說如意輪蓮華心如來修行觀門儀一卷	宋慈賢譯	二九九
佛說摩利支天女經一卷	唐不空譯	三〇六
無能勝大明陀羅尼經一卷	宋法天譯	三一〇
佛說無畏陀羅尼經一卷	宋法賢譯	三一六
佛說最勝無比大威德金輪佛頂熾盛光消災吉祥陀羅尼經一卷	唐不空譯	三一七
佛說大威德金輪佛頂熾盛光如來消除一切災難陀羅尼經一卷	失譯	三一八
無能勝大明心陀羅尼經一卷	宋法天譯	三二〇

佛說妙吉祥菩薩所問大乘法螺經一卷	宋法賢譯	三二三
佛說四品法門經一卷	宋法賢譯	三二七
佛說八大菩薩經一卷	宋法賢譯	三三〇
大毗盧遮那成佛神變加持經略示七支念誦隨行法一卷	唐不空譯	三三二
速疾立驗魔醯首羅天說阿尾奢法一卷	唐不空譯	三三四
大聖曼殊室利童子菩薩五字瑜伽法一卷	唐不空譯	三三七
文殊師利菩薩及諸仙所說吉凶時日善惡宿曜經二卷	唐不空譯	三四一
一字金輪王佛頂要略念誦法一卷	唐不空譯	三七一
觀自在菩薩如意輪瑜伽一卷	唐不空譯	三七四
仁王般若陀羅尼釋一卷	唐不空譯	三八二
金剛頂瑜伽理趣般若經一卷	唐金剛智譯	三八八
大樂金剛不空真實三摩耶般若波羅蜜多理趣經一卷	唐不空譯	三九五
金剛頂瑜伽經文殊師利菩薩儀軌供養法一卷	唐不空譯	四〇二
一字佛頂輪王念誦儀軌一卷	唐不空譯	四一〇
十不善業道經一卷	宋日稱等譯	四一七
瑜伽蓮華部念誦法一卷	唐不空譯	四一八
事師法五十頌一卷	宋日稱等譯	四二二

金剛手光明灌頂經最勝立印聖無動尊大威怒王念誦儀軌法品一卷	唐不空共遍智譯	四二五
金剛頂經瑜伽觀自在王如來修行法一卷	唐金剛智譯	四三五
佛說一髻尊陀羅尼經一卷	唐不空譯	四四五
金剛摧碎陀羅尼一卷	宋慈賢譯	四五四
不空絹索毗盧遮那佛大灌頂光真言一卷	唐不空譯	四五六
妙吉祥平等瑜伽秘密觀身成佛儀軌一卷	宋慈賢譯	四五八
佛說頂生王因緣經六卷	宋施護譯	四六七
佛說大乘隨轉宣說諸法經三卷	宋紹德等譯	四九九
仁王護國般若波羅蜜多經道場念誦儀軌一卷	唐不空譯	五一九
佛說大乘入諸佛境界智光明莊嚴經五卷	宋法護等譯	五三一
佛說大乘智印經五卷	宋智吉祥等譯	五五九
金剛頂經一切如來真實攝大乘現證大教王經二卷	唐不空譯	五八九
佛說法乘義決定經三卷	宋金總持等譯	六一三
末利支提婆華鬘經一卷	唐不空譯	六二八
文殊所說最勝名義經二卷	宋金總持等譯	六三七

守護國界主陀羅尼經卷第五

勿五

大唐罽賓國三藏般若等

譯

入如來不思議甚深事業品第五之一

尔時世尊復告文殊師利童子言善男子當云何知如來應正等覺現證甚深事業善男子如來有三十二種正覺甚深事業何等名

勿五

一

却

為三十二種善男子如來於處非處如實而知善男子云何為處云何非處言非處者謂諸衆生無有方便身口意業造不善行若得可意愛樂隨心遂求果者無有是處所言處者若諸衆生具有方便身口意業造諸善行獲得可意愛樂隨心遂求果者斯有是處復

次善男子言非處者若諸衆生無有方便心懷慳悋得大富貴破於淨戒得人天身常行瞋恚獲端正報身心懈怠得於智慧散亂之人能得解脫惡慧衆生能斷習氣諸煩惱者無有是處若諸衆生具有方便修行布施得大富貴護持淨戒得生人天常修忍辱得端

正報勤行精進獲得智慧心不散亂得正解脫善修智慧能斷習氣諸煩惱者斯有是處復次作五逆罪得心安樂無有是處淨持禁戒得心安樂斯有是處復次若有衆生執著有見得順忍者無有是處愛樂修空得隨順忍斯有是處復次若諸衆生多住悔心得心

安樂無有是處若心無悔得心安樂斯有是處復次若令女人得轉輪王王四天下或得帝釋大梵天王成佛出現無有是處若捨女人得男子身作轉輪王王四天下或作帝釋大梵天王及成佛者斯有是處復次若轉輪王非法治化無有是處若轉輪王正法治化斯有是處復次若諸帝王貪猥驕奢能理國政無有是處若諸帝王無貪簡易能理國政斯有是處若諸帝王執斷常見令國政理無有是處若諸帝王明信因果國政乃理斯有是處若諸帝王心不均平能治國政無有是處若諸帝王無私平等能治國政斯有是處

復次北拘盧洲捨報身後墮三惡道無有是處若言北洲死後生天斯有是處復次若行殺害而得長壽乃至邪見受行邪法得聖道者無有是處若不殺生得壽命長乃至正見受行正法得聖道者斯有是處復次阿羅漢向不定得果無有是處若阿羅漢向定得果

勿五

二

者斯有是處

復次須陀洹人受第八生無有是處若須陀洹無第八生斯有是處復次若斯陀含受第三生無有是處若斯陀含無第三生一生人天能盡苦際斯有是處復次若阿那含還生欲界無有是處若阿那含不生欲界能盡苦

際得涅槃者斯有是處復次若阿羅漢受生死身無有是處若阿羅漢不受生死入涅槃者斯有是處復次若有人言除佛大師更有聖人超過佛者無有是處若言唯佛是天人師更無過者斯有是處復次若有人言得無生忍有退轉者無有是處若得無生不退轉

者斯有是處復次若有人言坐菩提場不成正覺無有是處若坐道場決成正覺斯有是處復次若有人言諸佛猶有煩惱習氣無有是處若言諸佛無煩惱習斯有是處復次若有人言一切如來智有障礙無有是處若言如來智無障礙斯有是處復次若有人言如

來頂相有能見者無有是處若言如來無能見頂斯有是處復次若有人言佛不加威能知如來心之所住無有是處若言佛加方知如來心所住處斯有是處復次若有人言如來亦有不住三昧三摩呬多無有是處若言如來常在三昧等引功德斯有是處復次若

勿五

三

有人言一切如來言有虛妄及誤失者無有是處若言如來言無虛妄亦無誤失斯有是處復次若有人言如來作業有錯誤者無有是處若言如來諸所作業無錯誤者斯有是處善男子以如是等說於如來知處非處無量門非言所及如於寶諦無有變異此。

如來第一正覺力甚深事業今時世尊欲重宣此義而說偈言

大地可使行 虛空可搖動 如來終不說

非處以為處 虛空可為身 同士夫五色

如來終不說 非處以為處 一切處差別

上中下不同 如來已宣說 決定無別異

一切非處別 上中下不同 如來已宣說

決定為非處 若處若非處 如來如實知

隨眾樂欲 具足而宣說 沙門婆羅門

不知處非處 虛妄馳諸境 佛智無不知

眾生種種執 非處求解脫 具德世所尊

為說真實處 彼執非法器 故佛捨眾生

機熟解脫時 復當為宣說 此為佛第一

最勝事業門 遠離諸過非 能脫眾生苦

是處非處法 無量無有邊 難屈無不摧

斯名大仙力 復次善男子如來於過去世現在未來所作

行業誓願不同種種處所種種因緣種種事

相種種異熟無量差別皆如實知云何而知

善男子此中過去行業誓願善根為因遠離

不善未來得果若有過去行業誓願以不善

根而為其因遠離善根未來得果如是種種

如來一一皆如實知復次若有行願未來漸

減若有行願未來漸增若有行願現在漸減

未來漸增若有行願現在漸增未來漸減若

有行願現在未來皆漸減少若有行願現在

未來皆漸增長如是種種皆如實知復次若

有行願現在小因來世廣大或現在廣大未

來微小或初起微細後漸增勝或初廣大後

漸微細如是種種皆如實知復次若有行願

勿五

四

當得聲聞若有行願當得緣覺若有行願當

成佛因皆如實知復次或有行願因果俱樂

或有行願因果俱苦或有行願因果俱苦或

有行願因果俱樂皆如實知善男子如是過

去現在未來種種行業所感異熟因果相順

猶如影響如來一一皆如實知如是知已隨

其所應而為說法是為如來第二正覺力甚深事業今時世尊欲重宣此義而說偈言

如來善巧智 知眾生業果 三昧悉無遺
智眼皆無著 善因當得樂 異熟處人天
是惡感苦因 如來悉知見 善業不善業
各各果當成 善逝悉能知 如摩尼在掌

有業甚微細 當成廣大因 初大後微細
如來悉見知 有業聲聞行 有業緣覺因
有業成如來 善逝悉知見 或因樂果苦
因苦果樂殊 因果皆同 因果俱安樂
業與於法性 因果不相違 如來如實知
性相皆窮究 一切眾生界 三昧業轉迴

一一無有差 如來悉明了

復次善男子一切眾生無數樂欲種種差別如來一一皆如實知佛云何知或有眾生住貪欲行樂於瞋恚或有眾生安住瞋恚樂於婬欲或有眾生安住愚癡樂於婬欲及與瞋恚如來一一皆如實知或有眾生住善法中

勿五

五

樂欲不善皆如實知或有眾生所作微小樂欲廣大或有眾生所作廣大樂欲微小或有眾生初於因中樂欲微小至於果中樂欲廣大或有因中樂欲廣大至於果中樂欲微小如是種種皆如實知或有眾生樂邪見等因中不定當成決定或因樂欲正因決定當得

解脫彼彼差別如來悉知或有樂欲當超三界或有樂欲當超色界或有樂欲當超三界如是一一如來悉知或有樂欲日日減少後當漸得增勝廣大或有樂欲最勝廣大後漸減少得不可意如是種種皆如實知或有樂欲受種種生得種種色受用種種資生之具

如是差別如來悉知或有樂欲處人天上或有樂欲當得解脫如是差別如來一一皆如實知如是知已隨其所應而為說法是為如來第三正覺力甚深事業今時世尊欲重宣此義而說偈言
眾生種種欲 意樂無數量 如來一切知

如實悉能知 彼彼諸衆生 住貪樂瞋恚
住瞋樂癡眞 一一如實知 住癡樂欲貪
住善樂不善 其心種種變 善逝悉能知
下劣因衆生 心恒樂廣大 住廣樂廣大
住勝劣中求 或復有衆生 因劣果超勝
因勝果中劣 如來如實知 住邪不定中

後時當決定 住正脫三界 如來如實知
或樂種種生 色相及資具 處於人天上
解脫欲相應 三世諸衆生 樂欲佛皆了
隨心爲說法 是第三業門

復次善男子如來於無數世界種種界別皆
如實知佛云何知謂知此世界其中衆生修

諸功德此界衆生造諸惡業此界衆生修解
脫業此界衆生當得出世如是種種悉如實
知復次善男子如來知眼界色界眼識界當
云何知有三因故謂知內空外空內外空故
如是徧知乃至知意界法界意識界內空外
空內外空故復次知於地界水火風界皆如

勿五

六

虛空復次知欲界色界無色界從於妄想分
別所起復次知有爲界行相現前有窮盡故
知無爲界無行相故知煩惱界客塵相故了
煩惱流可斷絕故達其本性光明相故知諸
行界妄念無明爲其相故知涅槃界智慧相
故正念相故善男子如是如是世界安立初

現在前世界轉滅至於他世生起因緣依住
作業如是差別如來一一皆如實知知已隨
應而爲說法此是如來第四正覺力甚深事
業尔時世尊欲重宣此義而說偈言

佛於界善巧 及住轉滅時 少善大果成
人師子能了 有福無福界 福門解脫門

解脫界不同 一切智明見 如來知眼界
色識界俱空 耳界鼻舌身 意法空亦尔
地水火風界 如實了皆空 三界妄念心
人師子能了 煩惱客塵相 諸法性皆無
行不行如空 斯涅槃三相 世界不善起
成已壞滅同 此界及他方 無念皆知見

十方空無際 有界佛能知 佛智勝無涯
衆生不能測 此是清淨主 第四調生門
修此不退還 決證菩提果

復次善男子如來於諸衆生諸根勝劣精進
懈怠若利若鈍皆如實知云何能知善男子
鈍根愚闇下劣衆生中根勝根皆如實知復
勿五

次隨如是根分別生貪隨如是根分別生瞋
隨如是根分別生癡及託外境生貪瞋癡如
來悉知復次隨根分別生貪瞋癡展轉增廣
或復隨根分別所生少貪瞋癡更不增長如
來悉知復次此根是善根因此根即是不善
根因此根即是解脫道因此根是出生死道

因如是種種如來悉知復次善男子佛如實
知眼耳鼻舌身意六根男女命根苦根樂根
憂喜捨根信根進根念定慧根未知當知根
已知根具知根如是種種如來悉知復次因
於眼根心住耳根不住鼻舌身等三根因於
耳根心住鼻根不住餘根因於鼻根心住舌

根因於舌根心住身根因於身根心住眼根
如是種種根如來悉知復次若有衆生有布
施根現持淨戒如來知其從無始來諸根展
轉有多差別是故爲說檀波羅蜜若有衆生
有淨戒根現行布施如來知其從無始來諸
根展轉有多差別是故爲說尸波羅蜜或有

衆生有忍辱根現行精進如來知其從無始
來諸根展轉有多差別是故爲說忍波羅蜜
或有衆生有精進根現行忍辱如來知其從
無始來諸根展轉有多差別是故爲說勤波
羅蜜或有衆生有禪定根現修智慧如來知
其從無始來諸根展轉有多差別是故爲說
禪波羅蜜或有衆生有智慧根現在禪定如
來知其從無始來諸根展轉有多差別是故
爲說甚深般若波羅蜜多令其修習一切廣
大菩提分法復次知此衆生有聲聞根現修
緣覺所行之行如來知其從無始來諸根展
轉有多差別堪聞聲聞是故爲說聲聞乘法

若有衆生有緣覺根修聲聞行如來知其從無始來諸根展轉有多差別堪聞緣覺是故爲說緣覺之法或有衆生有大乘根修二乘行如來知其從無始來諸根展轉有多差別堪聞大法爲說大乘復有衆生有下劣根現修大乘如來知其從無始來諸根展轉有多

勿五

八

差別而爲說法令捨下劣修習大乘復有衆生不任法器如來知其從無始來諸根展轉有多差別久不堪任故且棄捨待根熟時堪任法器發殷重心如來當爲殷勤說法善男子如來如是知諸衆生若根已熟若根未熟欲出三界或不欲出如是種種如來悉知當云何知其根本云何修習云何性云何相云何因云何緣云何思云何果云何報云何究竟如來一一皆如實知此是如來第五正覺力甚深事業亦時世尊欲重宣此義而說偈言

佛知根智到彼岸 隨順衆生種種殊

上中下品悉了知
了煩惱際唯虛假
善知諸惑對治門
知眼至意男女命
信進念定慧當知
知因眼根唯住耳
勝業能招解脫果
厚薄輕重悉皆知
惡招生死善解脫
苦樂憂喜及捨根
已知具知根悉了
乃至因身住眼中

施根持戒爲說檀
忍根勤修爲說忍
定根修慧說諸禪
聲聞根修緣覺行
緣覺根住聲聞乘
下劣遠離上乘法
戒根行施爲說戒
進根修忍爲說勤
慧根住定說般若
以知根故說聲聞
知根爲說於緣覺
大悲爲說諸度門

勿五

九

根熟未熟佛皆知
諸根行相修習性
果報究竟如是知
復次善男子如來於徧趣行皆如實知當云何知知正定衆生界知不定衆生界知邪定衆生界云何而知正定衆生謂此衆生有大

因力宿植多福聰敏利根智慧將開如來如實知昔善已或為說法或不說法稱其法器皆令解脫云何而知不定眾生謂彼眾生有大緣力根將成熟若隨其心得聞正法即得解脫若不聞法不得解脫如來為此不定眾生說於因緣和合之法彼諸眾生隨機聞法心得清淨各證道果如來為此不定眾生出興於世云何知於邪定眾生謂此眾生愚癡覆心非是法器更無方便可以化誘譬如盲者對於日光若為說法及不說法俱無利益無解脫分如來知其非是法器便置捨之為彼眾生是故菩薩擲大悲甲復次善男子如來善知眾生三毒徧趣之行知貪欲行有其三種云何為三謂或有貪欲從妙境生或有貪欲從愛想生或有貪欲從宿習生知其瞋行亦有三種云何為三謂或有瞋毒從恚而生或有瞋毒從違境生或有瞋毒從於過去隨眠所生知愚癡行亦有三種云何為三謂

或有愚癡從無明生或有愚癡從身見生或有愚癡從疑心生如是種種如來悉知復次如來知其苦行速疾通達知根利故又知苦行遲緩通達知根鈍故知安樂行速疾通達知根利故知安樂行遲緩通達知根鈍故復知有行遲緩通達遠正念故復知有行速疾通達能堅持故又復善知有速疾行遲鈍通達數息觀故有速疾行速疾通達心不著故又復善知擇法之行謂或有行慧多定少或復有行定多慧少或有定慧俱不具足或有定慧二俱圓滿如來悉知或復有行心力具足身力不具或復有行身力具足心力不具

勿五

十

或復有行二俱不具或復有行二俱具足如來一一皆如實知或復有行令身業淨口意不淨或復有行令口意淨身業不淨或令三業俱得清淨或令三業俱不清淨如是諸行或是三界生死之因或解脫因如來皆以無礙智眼一切隨轉是為如來第六正覺力甚

深事業亦時世尊欲重宣此義而說偈言

一切麤行佛盡知
不定衆生根熟相
貪行衆生三種因
種種無邊煩惱界
苦行疾得因利根

樂行速疾由根利
有行遲鈍漸澄清
有速疾行得微劣
有行智增擇法生
有行俱少非法器
有行心力具非具

大威德故身心具
有行不能淨語心
或有不能心永淨
或有不能淨語言
或有不能身永淨
有行建立生死因

勿立

正定衆生大因力
邪定非器空有悲
瞋恚愚癡亦三種
徧行因起佛皆知
鈍根遲緩不能達

鈍根劣弱佛皆知
復有遲鈍頓清淨
超過速疾無著因
有行定增成法器
定慧和合勝道生
有身力具心不具

一切見者悉皆知
或有能令身語淨
有行但能清淨心
有行能令心語淨
有行三業淨無瑕
有行為因招解脫

土

如是徧行佛皆了 是第六業最勝門

復次善男子如來於一切靜慮解脫等持等
至伏滅煩惱生起因緣皆如實知佛云何知
謂知衆生煩惱生起以何因生以何緣生滅
惑清淨何因能滅何緣能滅此中煩惱生因
緣者謂不正思惟以為其因無明為緣無明

為因行為緣行為因識為緣識為因名色為
緣名色為因六處為緣六處為因觸為緣觸
為因受為緣受為因愛為緣愛為因取為緣
取為因有為緣有為因生為緣生為因老死
為緣煩惱為因業為緣見為因貪為緣隨眠
煩惱為因現行煩惱為緣此是煩惱生起因

緣云何衆生滅諸煩惱所有因緣有二種因
有二種緣云何為二一從他聞隨順法聲二
者內心起於正念復次有二種因有二種緣
能令衆生清淨解脫謂奢摩他心一境故毗
鉢舍那能善巧故復次有二種因有二種緣
不知來智故知來智故復有二種因緣微細

觀察無生理故近解脫故復有二種因緣具足行故智慧解脫現在前故復有二種因緣謂盡智故無生智故復有二種因緣隨順覺悟真諦理故隨順獲得真諦智故此是衆生除滅煩惱清淨因緣如來悉知復次善男子煩惱因緣無有數量解脫因緣亦無有量或

有煩惱能與解脫以爲因緣觀實體故或有解脫能與煩惱以爲因緣生執著故如是廣大無障礙行如來悉知善男子如來禪定智慧皆悉具足謂離欲界惡不善法有尋有伺離生喜樂入初靜慮初靜慮起滅尋伺等隨順次第入八解脫三摩鉢底逆次入住諸三摩地或復超間橫豎無礙住於等至顯示三昧如來了知三摩鉢底與三昧門無少差別如來三昧三摩鉢底不從因緣入一三昧一切三昧皆悉現前一三昧起而能即入一切三昧如來終不作如是念我今能入如是三昧而常三昧無不定心一切無能測知如來

勿五

士

所有三昧緣覺三昧超過聲聞菩薩三昧超過緣覺如來三昧超過菩薩而佛三昧無能過者如來智慧於一切處無障礙轉無能過者隨順教化一切聲聞生聲聞定緣覺菩薩亦復如是如來如是種種知已隨其所應而爲說法此是如來第七正覺力甚深事業亦

時世尊欲重宣此義而說偈言

諸佛法王真實智 知諸衆生染淨因
如是因緣煩惱生 如是因緣得解脫
邪思爲因無明緣 無明爲因行爲緣
識與名色六處等 有支因緣悉如是
煩惱爲因業爲緣 諸見爲因貪爲緣
隨眠結惑以爲因 現行煩惱以爲緣
衆生解脫二因緣 從他聞聲起隨順
內心正念觀空法 解脫有海得超昇
止觀和合互相資 無少去來而可得
諦觀無生亦無滅 親近解脫得清涼
住三種行長三明 修習解脫不放逸

盡無生智得實諦
佛入正定三昧門
法王禪定無等等
逆順次第超間遊
心無迫隘無分別
聲聞緣覺三摩提

由此因緣清淨心
出入滅定念具足
入八解脫多等持
一定顯示無邊定
雖常住定無定心
菩薩億千種種定

勿五

十三

佛三摩地過諸定

此善巧業智難量

復次善男子如來以宿住智知於自身及諸
衆生過去無數宿住生事所謂一生二生十
生百生千生百千生億百千生成劫壞劫成
壞劫無數成劫無數壞劫無數成壞劫我及
衆生如是名字如是種性如是飲食如是形
相如是色類如是苦樂如是處所如是壽命
如是生死於某處歿而生某處無數種種宿
住之事皆悉憶念復知彼彼衆生過去以如
是因生此世界如來知已隨其所應而爲說
法又如實知一切衆生過去心行如是前念
次第因滅相續引起如是後念或復緣闕後

念不生如是種種如來悉知如一衆生如是
心滅如是心生輪轉不斷無量無邊恒河沙
劫說不能盡如一衆生一切衆生亦復如是
念念生滅心心相續說不可盡如來一一皆
如實知假使盡於未來際劫說於如來所知
宿住不可窮盡故說如來宿住智慧不可思

議不可稱量難知邊際說不可盡尔時如來
出大悲聲猶如牛王普告衆生汝等應當念
念思惟往世久近曾種善根或於佛所曾種
善根或二乘所種諸善根彼諸衆生以佛威
力皆念昔善如來知已隨應說法彼諸衆生
得聞法已如昔善根各於自乘得不退轉是

爲如來第八正覺力甚深事業尔時世尊欲
重宣此義而說偈言

佛世間燈念往劫
諦了自己及衆生
如是姓名色分別
以是因緣此處生

無邊億數那由佗
如掌觀五阿摩勒
壽命住處生死殊
善知時故爲說法

又知過去無邊劫
無量種類各生心
過去流注心不斷
劫數量等恒河沙
盡未來際所有劫
智慧無等無有邊

勿五

衆生心心所不同
如來大智皆明了
一一衆生佛悉知
說彼無邊行無盡
不能說佛宿住因
猶如大海無涯際

十

佛住利智勝通力
及彼衆生種善根
佛威神力令憶念
念已示教住三乘
善逝過去因無量
以此第八業爲因

念昔所修白淨因
過去或曾供養佛
如前所作白法因
清淨解脫恒無退
一切衆生難測量
無數衆生悉調伏

復次善男子如來天眼清淨過於人眼見諸
衆生死此生彼所謂下劣最勝善色惡色若
好若醜如是種種隨業受生或有衆生具身
惡行或有衆生具口惡行或有衆生具意惡
行或謗賢聖及邪見等業因緣故捨此身已
墮於地獄復有衆生具身善行或有衆生具

口善行或有衆生具意善行不謗賢聖及正
見等業因緣故捨是身已生於天上如來天
眼皆悉知見如是十方盡於法界於虛空界
無量無邊超過數量所有世界於其中間或
有世界劫火洞然空無所有或有世界種種
衆生死此生彼或諸菩薩遊行諸刹或諸如

來趣於道樹證大菩提轉正法輪應盡晦跡
示入涅槃各各聲聞現得解脫或入涅槃彼
彼緣覺現種種通能令遇者功德增長如是
種種佛皆明見如對目前復見世界無有身
相諸衆生等非外五通天眼所見亦非二乘
及菩薩眼之所能見唯有如來天眼明見或

五

五

有其地量如車輪其無身相諸衆生等充滿
其中多於三千大千世界所有人天佛皆明
見以淨天眼微細觀察一切世界所有衆生
堪調伏者令其一各見佛身而現其前彼
彼衆生互不相知是爲如來第九正覺力甚
深事業亦時世尊欲重宣此義而說偈言

如來光明淨天眼
十方一切刹難思
或有已現當生別
或人天趣或三塗
垂歿將生種種異
造罪惡趣所沈淪

威德照見劫無邊
衆生受生各何相
有色無色種種殊
下中上品生非一
一切見者見無遺
修福超處人天上

或有修行菩薩行
或坐道樹摧衆魔
轉妙法輪皆自在
作佛事已示涅槃
或從師聞獲正念
或超有海不由師

入出種植菩提根
覺悟最勝菩提道
入天解脫量難思
如來天眼皆明見
履踐寂滅得清涼
解脫安樂如來見

或有無數聲聞衆
彼衆生界無有邊
或有衆生無色相
過三千界內人天
佛見一一衆生界
一切智了無衆生

或復修行緣覺乘
佛淨天眼皆明見
等車輪量有衆多
如是微細如來見
流轉五道無有邊
以大慈悲故調伏

或有利根應度者 各見如來現在前
爲說勝法愜其心 此佛第九天眼業

復次善男子如來一切諸漏已盡無復煩惱
心善解脫慧善解脫自覺現前具足圓滿作
師子吼發如是言我生已盡梵行已立所作
已辦不受後有如來知此究盡煩惱極無垢

染清淨光明一切習氣無不永滅聲聞斷惑
有盡有量習氣不除緣覺盡惑亦有分量遠
離大悲闕無礙辯唯有如來一剎那心平等
相應一切煩惱諸相煩惱根本煩惱習氣煩
惱永盡無餘大悲善攝辯才無畏皆悉圓滿
一切世間無能過者何以故諸佛如來永滅

勿五

十六

一切諸業習氣煩惱習氣威儀誤失諸習氣
故譬如虛空本性清淨一切煙塵無所依住
如來亦亦得於煩惱究盡之智諸業煩惱一
切習氣無所依住而如來心以無住相煩惱
盡麤智平等中微妙安住爲斷衆生一切煩
惱有漏五蘊而說妙法作如是言哀哉衆生

於無事中橫生煩惱汝等應當如實思惟揀擇觀察復為衆生種種善巧種種譬喻說煩惱性本無所有彼諸衆生如實觀已不見少法而可執持種種煩惱任運永滅入於涅槃此是如來第十正覺力甚深事業亦時世尊欲重宣此義而說偈言

十力世尊力圓滿 成就廣大甚深門
煩惱障盡智相應 得勝菩提最寂靜
聲聞滅惑得盡智 有量習氣猶未除
緣覺斷惑得菩提 大悲辯才皆不具
佛為世主人中勝 惑習俱滅得皆圓
盡煩惱際大悲增 辯才無量皆成就

佛住究盡煩惱智
愍行邪道諸有情
大悲猛利為物說
汝等思惟本性空
不得衆生數取趣
為著邪見諸衆生

勿五

知衆生惑妄非真
不履如來正法跡
無常苦空無我門
常得最勝妙寂靜
作者及與摩納婆
大覺興悲說解脫

主末

於一切時無厭倦 未曾一念捨衆生
常住三昧無動搖 為利衆生演妙法
如是等相佛事業 十力住於力地中
轉無等等最勝輪 能摧冤敵難傾動
守護國界主陀羅尼經卷第五 勿五

守護國界主陀羅尼經卷第六

勿六

大唐罽賓國三藏般若等

譯

入如來不思議甚深事業品第五之二
復次善男子如來安住四無所畏能作種種
諸佛事業謂知自身即是無上正等正覺一
切世間若天若人無有能作如理說言如來

勿六

世尊非正覺者以何因緣說諸如來是正等
覺謂諸如來於一切法平等正覺無有高下
何等一切法所謂凡夫法有學法無學法緣
覺法菩薩法諸佛法如是諸法皆等正覺復
有世間法出世間法善法不善法有漏法無
漏法有為法無為法如是諸法如來正覺體